

AGENDRE MIGU PALMARUM

1. Fangowai ba Fogaoni

Fangowai :

SA : Ya'ita fefu sowulo, ni'omasi'ö Keriso. Ma'ökhö andre, tafalua wasumangeta khö Lowalangi ba gosali andre, sifao banua niha keriso sato ba nahiara zamösana. Ma'ökhö andre Migu Palmarum, fanörö tödö me latema'ö Yesu, lafazawili mbulu nohi ba lala me möi Ia ba Yerusalem, fatua lö teforöfa Ia. Andrö u'wai ami fefu, Ya'ahowu zi so ba döi Zo'aya: "Hosiana"

Sato : Hosiana!

SA : Ya faofao khömi Lowalangi,

Sato : Ya fao khöu Geheha-Nia.

Fogaoni :

SA : Da ta honogö dödöda wangondrasi Yehowa, da ta'erönusi tödöda wamakao si no itaögö So'aya ya'ita Yesus Keriso, manunö ita moroi ba Mbuku Zinunö numero 13:1-2, Suno Zo'aya Ya'ugö Tödö

1. Suno Zo'aya ya'ugö tödö, böi ae atage dödögu.
Suno döiNia ni'amoni'ö, böi olifu'ö nibè khöu.
Si no Ibè buala khöu, böi aefa'aefa badödöu,
Haleluya, Haleluya.

2. Same'e aefa khöu horöu fefu, sangohahau'ö tödömö.
Sanolo göi ba sahakhö tödö, ba sondrorogö ya'ugö.
Me lö fanolo ba niha, angaröfi li Yehowa,
Haleluya, Haleluya.

2. Fanga'aro'ö Wa'owulo (Votum)

SA : Da tahonogö dödöda ba wariawösa, ba ba wa ha sambua khö Lowalangi,
(*muzizio zato*)

No owulo ita ba da'e, ba döi Lowalangi Ama, ba ba döi Nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si

no momböi banua si yaŵa awö danö.

Sato : Yaduhu

SA : Hakhösi tödö ndra'o, Ya'ugö Yehowa, sata'u tödö sa ndra'odo! Aoko hörögu ba wa'abu dödö andrö, ariri nosogu ba ösigu. Ba ya'odo, ba sanötöna khö-U, Ya'ugö Yehowa; no umane: "Lowalangigu Ndra'ugö" Ba danga-U so lalagu andrö. Efa'ö ndra'o ba danga zi fa'udu khögu ba ba zolohi ya'odo! He Yehowa, böi be'e aila ndra'o! Orifi ndra'o, ba wa'atulö dödö-U andrö! Hosiana.....

Sato : Manunö: Hosiana

Hosiana, Hosiana, Hosiana.

SA : Mangandrö ita:

He Yehowa Lowalangi, Ama sahakhö tödö ba sebua fa'omasi, si no umbu howuhowu ba fa'auri. Itörö tödöma wamakao Zo'aya ya'aga Yesu Keriso, No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma. Fahaö ndra'aga, fa'aboto ba dödöma ngawalö horö si no mafalua. Abölö'ö ndra'aga wolawa fa'abölö nösi, ena'ö mo'ahonoa ndra'aga ba wamalua somasi Nama, ba khö Zo'aya ya'aga Yesu Keriso ba ba Geheha Ni'amoni'ö, Yaduhu.

(mudadao zato)

3. Manunö moroi ba Mbuku Zinunö numero 196:1, Möido Khöu, He Yesu

1. Möido khöU, he Yesu, tema ndra'odo. Efa'ö horögu, orifi ndra'o. Omasido Yesu, somasi ya'o. Ohahau dödögu na khöMö ndra'o.

2. Möido khöU, he Yesu, afu Öhaogö. Si lö omasi'Ö da u'erogö. Ululu ndra'odo, Ösasai do-Mö. Afugu ukhamö, wa'auri andrö.

4. Fombaso Taroma Li Lowalangi (AF)

SA : Da tafondrondrongo daroma Li Lowalangi, tehalö moroi ba zura 2Moze 20:1-17

1. Ba iŵa'ö daroma li andrö fefoe Jehowa, imane:

2. Ja'odo Jehowa Lowalangiöe, si no mangeheta ja'oegö ba danö

Miseraji andrō, ba zi no mōi sawoejoe ami.

3. Bōi so chōmō Lowalangi tánō bō'ō, baero ndra'o.
4. Bōi fazōchi chōoe nadoe, ba he famaedo hadia ia, he si so si ja'wa ba mbanoea, ba he si so si tooe ba goeli danō, ba he si so ba nidanō, barō danō.
5. Bōi angaloeloe chōnia ba bōi fosoemange ia, me no Lowalangi solohoe ndra'o, ja'odo andre, Jehowa, Lowalangioe, sangoehoekoe horō ndra ama ba ndraono ba ba ma'oewoe mitooe, chōra si fatioe tōdō chōgoe,
6. ba si hachōsi tōdō sangomasi'ō ja'o ba solo'ō oroisagoe; iroegi hōnō nga'ōtō.
7. Bōi tōtōi dōi Lowalangioe Jehowa ba waja; lō'ō sa zi lō ihoekoe Jehowa zanōtōi tōinia ba waja.
8. Ame'egō tōdō loeo wolombase andrō, ba we'amoni'ō ja'ia.
9. Ōnō ngaloeo mohalōwō ndra'oegō ba ōhalō halōwōoe fefoe.
10. Ba ero fitoe bongi, ba loeo wolombase chō Lowalangioe Jehowa; bōi babaja hadia ia halōwō ba da'ō, he ja'oegō, ba he onooe matoea, ba he onooe alawe, ba he sangai halōwō chōoe ira matoea ba he sangai halōwō chōoe ira alawe, ba he oerifōoe, ba he si fatewoe chōoe ba mbanoeami bacha.
11. Ōnō ngaloeo sa mege chō Jehowa, ba wamazōchi banoea si ja'wa, awō danō, awō nasi, awō nōsira fefoe; ba ba loeo si fitoe, ba no molombase ia. Andrō wa no ifahawoe'ō loeo si fitoe andrō Jehowa, ba no i'amoni'ō.
12. Fosoemange namae, awō ninaoe, ena'ō anaoe nosooe ba danō, nibe'e Lowalangioe Jehowa chōoe.
13. Bōi ange'e.
14. Bōi ohorō.
15. Bōi anagō.
16. Bōi bōbōgō chō nawōoe zi lō doehoe.
17. Bōi isō nomo nawōoe. Bōi isō wo'omo nawōoe ba he sangai halōwō chōnia ira matoea, ba he sangai halōwō chōnia ira alawe, ba he ōrōbaonia, ba he koedonia, ba he hadia ia, fefoe, nibabajaja nawōoe.

Si manō daroma Li Lowalangi, da tatema'ō faoma sinunō moroi ba Mbuku Zinunō Numero 86:4, Tasunosuno Yehowa

Sato : 4) Tasunosuno Yehowa, sangomuso'i'ō tōdō.
Tafaduhu'ō duria, wa no so Zangatulō.
Yesu sahakō tōdō, sangefa'ō ba horō

5. Fangandrö Fangefa Horö

SA : Ya'ami ira talifusö, Na tawa'ö lö horöda, ba talimo ita, ba si duhu lö'ö ba dödöda. Na ta'ombakha'ö horöda, ba lö faröi Ia, ba no satulö Ia, fa l'efa'ö khöda horö andrö, Ihaogö ita, awö wa Itheta fefu zi lö atulö. Andrö da möi ita föna Lowalangi si fao fangidengide'ö ba wangombakha horöda, (*muzizio zato*).

Mangandrö ita:

He Ama, Lowalangima sebua fa'omasi. Masuno ba ma'angaröfili Ndra'ugö Yehowa. Möiga ma'ondrasi Ndra'ugö ba nahia ni'amoni'ö, ya'aga niha si no ra'io. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. No ambö ndra'aga ba wangomasi'ö Ya'ugö soroi dödö. Asese olifu ndra'aga wangandrö saohagölö ba howuhowu-Mö si no matema, ba no arörö ndra'aga ba gisö'isö dödö ba guli danö andre. Si tekiko ndra'aga ba horöma. Andrö ha fa'ahakhö dödö Nama ni'andröma. Bologö dödö-U khöma ba be'e aefa khöma horöma. Yaduhu.

Sato : Manunö: BZ. No 215 Ayati 5 : Ba lö tebulö ba te'ala

5) Ba lö tebulö wa te'ala, do zi sa ngerogö Ama.
Si lö manehe nibohouni, tödö awö gera'era.
He So'aya, heta khöma, dödö si fabu'abu'a.

SA : Turia Wangefa horö: "Si manö sa wa'omasi Lowalangi nösi gulidanö, no Ibe'e Nono-Nia andrö, si ha sambua, ena'ö lö tekiko dozi samati khö-Nia, ena'ö so khöra wa'auri si lö aetu. *Lakhömi khö lowalangi si yawä.....*

Sato : Manunö: 450. Ba Fa'atulö Ba Gulidanö
Ba fa'atulö ba gulidanö ba niha ni'omasi'ö andrö.

(*mudadao zato*)

6. Fombaso Taroma Li Lowalangi (AB)

SA : Da tafondrondrongo daroma Li Lowalangi, tehalö moroi ba zura
2Fetero 1:16-18

- 16) Tenga sa fajafaja, nifachai dödö, dali chöma mege, me ma'ombacha'ö chömi wa'abölö Zo'aja ja'ita, Jesoe Keriso, ba fa'ato'elenia; noa sa si no anehenehe fa'asalaŵania ndra'aga;
- 17) noa sa itema chö Lowalangi Ama zoemange ba lachömi, me tetandrösaigö chönia li andrö, moroi ba lachömi andrö, si no eboea sibai, me imane: "Onogoe omasiö da'ö, wa'omasigoe ia."
- 18) Ba li andrö, ba no marongo, moroi ba mbanoea si jaŵa, me sogi chönia, ba hili ni'amoni'ö andrö,

Si so tögi dalinga, ba wamondrongo, ba ya mufondrongo.

SA+ Sato : Yaduhu

7. Fasömbata

SA : Iada'e tebe'e khöda ginötö ba wolohe fasömbatada khö Lowalangi. Ta'osamuzaigö wame'e, he fasömbata si föföna, ba si manö göi zi mendrua awö zi medölu. Ba si föföna ua da tafondrongo Li Lowalangi me imane: Same'e sumange fangandrö saohagölö, da'ö zamolakhömi Ya'odo, ba ba zi lö sinegu ba mbuabuania U'oroma'ö wangorifi andrö khö Lowalangi.

Tafa'ema wasömbata khö Lowalangi, manunö ita moroi ba Mbuku Zinunö numero 286

SA : "Da tafasao wasömbatada andre föna Lowalangi,muzizio ita fefu.....Manunö ita moroi ba Mbuku Zinunö numero 261, Ya'e Zumange

- 1) Ya'e zumange fasömbata, ma'ohe sumange Yehowa. Ma'andrö khöU fahowu'ö zumange ni'ohema khö-Mö
- 6) Ya'e zumange fasömbata, ma'ao^hasi gölö Zo'aya. Ma'andrö khöU fahowu'ö zumange ni'ohema khö-Mö

Fangandrö :

8. Manunö

SA : Da tafa'anö dödöda wamondrongo taroma Li Lowalangi, manunö ita moroi ba Mbuku Zinunö numero 162:1-2, To'ele Khöda Wangorifi

1. To'ele khöda wangorifi, buala Lowalangida,
Fangefa horö ba fa'auri moroi ba röfa Zo'aya.
Ya dozi ita oi tatema, ena'ö möi fangorifida.
2. Sihulu tödö wangondrasi, fogaoni Zahakhö tödö.
Ogorofi ngawalö horö, falua wangesa dödö.
Angalulu sifao fangandrö, Ibe'e Yesu wangepa'ö.

9. Huhuo Sebua

SH : Ya irorogö dödömi, awö gera'erami fa'ohahau dödö andrö, khö Lowalangi, sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

a. Fombaso taroma Li Lowalangi: Yohane 12:12-19

- 12) Sara wongi aefa da'ö, me larongo, niha sato, si no möi ba gowasa, no möi ba Jeroezalema Jesoe,
- 13) ba lahalö mboeloe nohi, möi ira mamaondragö ja'ia, moe'ao ira: Hosana, ja'ahowoe zi so andrö, ba döi Zo'aja, razo Ndraono Gizeraëli andrö!
- 14) Ba me isöndra nono galide Jesoe, ba i'okoedo, itörö zi so ba zoera andrö:
- 15) "Böi ata'oeffi, ono Ziona alawe, hiza, so razomö, i'okoedo nono galide".
- 16) Lö'ö sa i'anema'ö aboto ba dödö ndra nifahaö da'ö ba me no tefolachömi Jesoe, awena itörö tödöra, wa ba chönia tesoera da'ö, awö wa no lamanö chönia.
- 17) Ba lafadoehoe'ö niha sato, si fao chönia, wa no hoemedede ia chö Lazaro andrö ba lewatö, wa no isoesoegi ba ngai zi mate.
- 18) Andrö göi la'ondrasi ia niha sato, me no larongo, no ifazöchi dandra andrö.
- 19) Ba faoma lamane farizaio chö nawöra: Mi'ila, lö'ö manö fachai wolaoemi. Hiza, achori manö la'o'ö niha ba goeli danö.

b. Fanuriaigö

c. Nitanö ba dödö: Sinunö (Mazmur) 118:26

Ja ahowoe zi so andrö ba döi Jehowa! Mafahowoe'ö ami, moroi ba nomo Jehowa.

*Diberkatilah dia yang datang dalam nama TUHAN! Kami
memberkati kamu dari dalam rumah TUHAN.*

d. Fangandrö Fanga'aro'ö huhuo

Sato : Manunö : BZ. Numero 156:1, He So'aya, Böi Bulö'ö

1. He So'aya, böi bulö'ö, khögu daroma liMö.
Ufonaha ba dödögu, me no haregu da'ö.
Ba da'ö sa manandrösa, wanötöna dödögu.
Lö moguna danö bö'ö, liMö wangorifigu.

10. Tuho Wamati

SA : Me no tarongo daroma Li Lowalangi, ba da tafaogö lida wamaduhu'ö famatida ya'ita niha Keriso fõna Lowalangi, muzizio ita fefu..... endronga lida:

SA + Sato : ❖ Ya'ö mamati khö Lowalangi Ama si lö ambö fa'abölö, somböi banua si ya'wa awö danö.

❖ Ya'ö mamati khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, ono nono alawe Ia, no manaögö huku Ia, barö mbawa Fondrio Filato, teforöfa Ia, mate, ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu.

(mudadao zato)

11. Manunö:

SA : Manunö ita moroi ba Mbuku Zinunö numero 281:1-2, Tabu Ta'o'ö Zo'aya

1. Tabu ta'o'ö Zo'aya, sangorifi ya'ita.
Ba da ta'o'ö liNia, fangohahau dödöda.
Ya amaedola rōfada, wanōngōnida Ya'ia.
2. No aboto ba dödöda, wa no Ya'ia lala.
Ba fefu zi fao khō-Nia, da'ö zi lö te'ala.
Sindruhu Ifasao ita ba naha so'ahonoa.

12. Fangandrö Salahi + Famatenge + Howuhowu

SH : Muzizio ita fefu, mangandrö ita:

SH + Sato : He Ama khōma si so ba zorugo, ya te'amoni'ö dōi-U. Ya tobali banua-U fefu niha, ya itörö zomasi Ndra'ugö, hulö ba zorugo, ya si manö göi ba gulidanö. Öma sirugi ma'ōkhö be'e khōma ma'ōkhö andre. Ba efa'ö khōma horōma, si mane fangefa'ōma sala ba zi so sala khōma. Böi ohe ndra'aga ba wanandraigö, efa'ōga ba zi lö sökhi. Me ya'ugö zamatörö banua-U, ba sokhō fa'abölö, awö lakhömi, irugi zi lö aetu. Yaduhu.

SH : Famatenge + Howuhowu:

Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba lala wa'aurimi sero ma'ōkhö, ba mitema howuhowu Lowalangi:

- ❖ Ya mufahowu'ö ami Lowalangi, Ya murorogö ami
- ❖ Ya mufohaga mbawa-Nia khömi, Ya mu'ebua'ö dödö-Nia khömi
- ❖ Ya mufalemba hörö-Nia khömi, Ya mube'e wa'ohahau dödö khömi fefu. Yaduhu.

Sato : Manunö: BZ. Numero 269:1 Keriso Yesu Fondrege Zisökhi

- 1) Keriso Yesu, fondrege zi sökhi, ba fondrege zala'wa.
Ya khöU dödögu, ba fa'aurigu, irugi ba gamozua.

SH : Ya'ahowu

Sato : Ya'ahowu